

Rådmannen sitt framlegg;

Forskrift om politivedtekt - Aurland kommune

Fastsett av Aurland kommunestyre 2021 med heimel i lov om politiet av 4. august 1995 nr 53 § 14 1. ledd. Stadfesta av Justis- og politidepartementet(dato og tilvising til §).

Kapittel 1. Allmenne føresegner

§ 1-1. OFFENTLEG STAD

Med offentlig stad er det meint gate, veg, fortau, sti, medrekna gang- og sykkelveg, park, torg e.l., plass, bru, bryggje, kai, strand, anlegg eller anna stad der det er allmenn ferdsel eller som er bestemt for allmenn ferdsle.

§ 1-2. ANSVAR OG PLIKTAR FOR FESTAR, BRUKAR, LEIGAR ELLER STYRAR AV HUS ELLER GRUNN

Dei pliktar som er lagt til eigar av hus eller grunn, kviler også på den som festar, brukar, leiger eller styrer eigendomen.

Kapittel 2. Orden på offentlig stad

§ 2-1. RO OG ORDEN PÅ OFFENTLEG STAD

På eller like attmed ein offentlig stad må ingen vere med i oppløp, samanstimling, larm eller bråk som forstyrrar den allmenne orden eller ferdsel.

Den som ferdast på eller like attmed offentlig stad pliktar å halde nattero mellom kl. 23.00 og kl 06.00.

Dersom mange menneske samlar seg ved inngangen til eit forsamlingslokale, sports plass, utsalsstad, haldeplass e.l., skal dei stå i kø og elles rette seg etter dei pålegg som politiet eller arrangøren gjev for å halde ved lag den allmenne orden eller regulere ferdsla.

§ 2-2. KØYRING, CAMPING, OVERNATTING MED VIDARE I PARKAR, GRØNTAREAL, FRIOMRÅDA O.L.

I offentlege parkar, grøntareal, friområde, på, ved eller under vegar eller plassar i tettbygd strøk er telting, camping, overnatting, e.l. forbode, med mindre anna kjem fram av skiltinga på staden.

I offentlege parkar, grøntareal og friområde er det forbode å køyre og parkere motorkøyetøy, med mindre noko anna går fram av skiltinga på staden.

§ 2-3. FRAMVISING OG ANDRE PUBLIKUMSRETTE AKTIVITETAR

Den som på eller ut mot offentlig stad vil opptre eller utføre andre publikumsrette aktivitetar, må på førehand gje melding til politiet, uavhengig om aktivitetane skjer ved bruk av høgtalar o.l.

Det same gjeld den som på eller i nærleiken av offentlig stad ynskjer å bruke gåande, køyrande eller flygande reklame.

§ 2-4. TIGGING

Tigging på offentlig stad eller frå hus til hus er forbode

§ 2-5. FARLEG ELLER SKREMMANDE VERKSEMD

På, ut over eller like attmed offentlig stad er det forbode:

1. Å skyte med gevær eller anna skytevåpen, under dette Paint ball, Soft gun, boge, sprettert o.l.
2. Å skyte med boge, utføre økseasting o.l., utan løyve frå politiet
3. Å brenne av krut, fyrverkeri eller eksplosive stoff utan at politiet har gjeve løyve. Det er ikkje eit slikt krav om løyve for godkjent fyrverkeri som skal nyttast i tidsrommet 31. desember kl. 18.00 til 1. januar kl. 02.00.
4. Å kaste eller sleppe stein, snøball eller anna som kan vere til skade eller ulempe for dei som ferdast der.

§ 2-6. KJØP OG SAL PÅ OFFENTLEG STAD

På offentlege stadar er det forbode å selja varer og tenester utan kommunen sitt samtykke. Omsetjing av varer og tenester kan gå føre seg på stad som er tilvist av kommunen.

§ 2-6. DRIKKING PÅ OFFENTLEG STAD

På eller attmed offentlig stad er det forbode å drikke, skjenkja eller byda fram rusdrikk.

Med rusdrikk vert definert all drikk med alkohol over 0,7 volumprosent alkohol. Dette omfattar òg alkoholsvak drikk.

Kapittel 3. Sikring av ferdsla

§ 3-1. HINDRINGAR

På eller ut over offentlig stad er det forbode å plassere eller montere noko som kan vere til hinder eller ulempe for ferdsla eller som hindrar fri sikt til trafikkskilt o.l.

Markiser eller anna som heng utover fortau, skal på det lægste vere minst 2,5 meter over bakken.

§ 3-2. DYR

Det er forbode å la husdyr gå lause på eller ved offentlig stad utan forsvarleg tilsyn.

§ 3-3. AKTIVITETAR

Politiet kan forby kvar einaste form for sport, leik eller spel på bestemt offentlig stad når dette er påkravd av omsyn til ferdsla eller den alminnelege orden. Dette omfattar også basehopping og annan liknande ekstremспорт, samt flyging med drone.

§ 3-4. FERDSEL PÅ ISLAGT VATN ELLER SJØ

Politiet kan av tryggleiksgrunnar forby eller gie regulerande føresegner for ferdsla på islagt vatn eller sjø.

§ 3-5. SPERRING AV OFFENTLEG STAD

Krev byggjearbeid e.l. at fortau, gate, veg eller ein annan offentleg stad blir heilt eller delvis sperra for eit avgrensa tidsrom, lyt ein på førehand søkje løyve frå politiet, som kan setje nærare vilkår.

§ 3-6. BYGGJEVERKSEMD OG LIKNANDE.

Reising, riving eller reparasjon av bygning, graving eller anna arbeid på eller ut mot offentleg stad der det kan bli fare for ferdsla, skal på førehand meldast til politiet. Politiet kan fastsetje korleis arbeidsstaden skal sperrast av og krevje andre tryggleikstiltak til vern for publikum.

§ 3-7. SPRENGINGSARBEID

Sprenging på eller like attmed offentleg stad skal på førehand meldast til politiet, som kan påby særlege tryggleikstiltak.

§ 3-8. VEDLIKEHALD AV BYGNING OG ANNA.

Ved vedlikehald av bygningar med og anna på eller ut mot offentleg stad, pliktar den ansvarlege for arbeidet med ein gong å setje opp avvisarar som gjer det tydeleg at det er farleg eller til ulempe å ferdast der.

§ 3-9. FARE FOR RAS FRÅ TAK

Når det er fare for at snø eller is kan rase ned frå hustak mot offentleg stad, skal eigaren straks setje opp avvisarar som gjer det tydeleg at ferdsla er forbunde med fare eller ulempe, og snarast syte for at taket blir rydda.

§ 3-10. FJERNING AV SPERRAR

Avsperringar, avvisarar og liknande innretningar blir fjerna når det arbeid som er nemnt i § 3-6, § 3-7 og § 3-8 er utført, eller faren eller ulempe som er nemnt i § 3-9 ikkje lenger er til stades.

Kapittel 4. Reinhald på offentleg stad

§ 4-1. REINGJERING AV LYS- OG LUFTEGRAVER

Eigar av hus eller grunn mot offentleg stad pliktar å sørgje for reingjering av lys- og luftegraver som er i beinveges nærleik til eigedomen.

Reinhaldet skal gjerast slik at det blir til minst mogleg ulempe.

Kloakksluk må ved reinhald ikkje tilførast oppsop e.l.

§ 4-2. RYDDING AV SNØ ETTER RAS FRÅ TAK

Eigar av hus eller grunn mot offentleg stad pliktar etter ras frå tak å rydde fortauet utanfor eigedomen fri for snø og is.

§ 4-3. AVLAUP FOR VATN

Eigar av hus eller grunn mot offentleg stad skal sørgje for at avlaup for vatn i fortau, rennestein, grøft e.l. blir haldt open.

Kapittel 5. Hindre ureining og tilgrising

§ 5-1. HINDRE UREINING OG TILGRISING

På, ut over eller i beinveges nærleik til offentleg stad er det forbode:

1. Å kaste eller leggje i frå seg avfall, under dette glas, flasker, spikar, papir, fruktskal, tyggjegummi og tobakksprodukt
2. Å grise til med måling, tusj, sprayprodukt e.l. på overflatar mot offentleg stad, under dette på eller ved bygning, gate, veg, park, anlegg, innretningar og transportmiddel
3. Å henge opp kunngjeringar, plakatar e.l., utan tillating frå politiet. Dette gjeld ikkje oppslag på tavler e.l. som er godkjent av kommunen til slikt bruk, eller oppslag på eigedom om forhold som berre vedkjem eigendomen eller næringsverksemda til dei som disponerer eigendomen.

Det er forbode å rive, skade eller skjemme oppslag som er lovleg sett opp.

Oppslag skal fjernast når dei er forelda.

4. Å urinere utandørs i tettbygd strøk eller på stader der det kan verke sjenerande på andre.

§ 5-2. RYDDING VED KIOSKSAL, ARRANGEMENT O.L.

Den som driv med sal frå kiosk, uteservering, gatesal eller anna liknande næringsverksemd på eller ut mot offentleg stad, skal sørge for at området ikkje blir skjemt eller skitna til av verksemda. Dei pliktar og å sørge for at det vert sett opp tilstrekkeleg tal med korgar for avfall. Rett etter stengt tid pliktar verksemda å rydde området og fjerne avfall som skuldast aktivitetar frå verksemda.

Den som arrangerer tilstelling på offentleg stad, skal sørge for at papir og anna avfall vert fjerna etter arrangementet.

Kapittel 6. Offentlege anlegg

§ 6-1. KYRKJEGARD OG GRAVPLASS

På kyrkjegard og gravplass er det forbode å sykle, ake, drive sport, leik eller anna som ikkje sømer seg der.

Det er forbode å trengje seg inn på kyrkjegarden når den er stengd for besøk.

Kapittel 7. Arrangement på offentleg stad

§ 7-1. SØKNADSPLIKT FOR ARRANGEMENT PÅ OFFENTLEG STAD

Den som på offentleg stad vil lage til arrangement som hovudsakleg er av underhaldande, kunstnarisk, selskapeleg eller kommersielt slag, òg som har ein storleik som vil føre til behov for omfattande reguleringar av ferdsla eller vakthald, må søkje om dette innan ein frist som politiet set.

Politolova § 11 gjeld tilsvarande.

§ 7-2. MELDEPLIKT FOR ALLMENT TILGJENGELEGE ARRANGEMENT

Den som vil halde eit arrangement som er allment tilgjengeleg, må i god tid forut for arrangementet sende melding til politiet, når arrangementet sin art eller storleik gjer det sannsynleg at politioppsyn blir naudsynt av omsyn til ro og orden eller avviking av trafikken. Dette gjeld også når arrangementet ikkje skjer på offentleg stad.

Meldeplikta gjeld òg samankomst eller tilstelling som hovudsakleg er av selskapeleg eller underhaldande art for medlem av ei foreining e.l. samanslutning.

Politolova § 11 gjeld tilsvarande.

§ 7-3. OFFENTLEG ARRANGEMENT SOM BARN HAR TILGANG TIL

Born under 15 år har ikkje tilgang til offentleg allmenn tilstelling etter kl. 22.00 utan at dei er i følge med foreldre eller andre føresette.

Politiet kan gje dispensasjon ved tilstellingar som arrangerast særskilt for barn og unge under 18 år.

Kapittel 8. Pantelånarverksemd

§ 8-1. PANTELÅNARVERKSEMD

Den som har fått løyve til å drive pantelånarverksemd skal føre protokoll, autorisert av politiet, over alle lån og kjøp. Politiet kan setja nærare vilkår for verksemda.

Kapittel 9. Ymse føresegner

§ 9-1. FORSØMING AV PLIKT

Forsømer nokon å utføre det vedkomande har plikt til etter vedtektene eller etter pålegg gjeve med heimel i denne, kan politiet la det utførast på vedkomandes kostnad.

§ 9-2. STRAFF

Brot på føresegner gjevne i vedtekta eller pålegg gitt i medhald av vedtekta, straffast etter politilova § 30 nr 4, om ikkje tilhøvet kjem inn under eit strengare straffepåbod.

§ 9-3. IVERKSETJING

Denne vedtekt trer i kraft 1 måned etter at den er stadfesta av Politidirektoratet.

Frå same tid opphevast Forskrift av 1. november 1965 om politivedtekt for Aurland kommune, Sogn og Fjordane fylke.